



01/a-50-1-15-32/12
23-08-2012

Broj:16-02/2-04-1-3983-2 /12
Datum:17.08.2012.godine

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO: 24-08-2012			
Organizaciona jedinica	Klasifikaciona oznaka	Redni broj	Broj priloga
01/a	50-1-15-32/12		

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
PREDSTAVNIČKI DOM PARLAMENTARNE SKUPŠTINE BIH
N/r gospodina Milorada Živkovića, predsjedavajućeg Predstavničkog doma
SARAJEVO

PREDMET: Odgovor na poslaničko pitanje Šemsudina Mehmedovića, dostavlja se.-
VEZA: Dopis Predstavničkog doma Parlamentarne skupštine BiH, Broj /Broj: 01/a-50-1-15
-32/12 od 24.07.2012. godine

Poštovani,

Državna agencija za istrage i zaštitu je zaprimila pitanje Šemsudina Mehmedovića poslanika u Predstavničkom domu Parlamentarne skupštine BiH, koje je Vašim dopisom. Broj /Broj: 01/a-50-1-15-32/12 od 24.07.2012. godine, dostavljeno Ministarstvu finansija i trezora BiH, Upravi za indirektno oporezivanje i Državnoj agenciji za istrage i zaštitu.

S tim u vezi, obavještavamo Vas da su u određenim organizacionim jedinicama ove Agencije, a koje se bave problematikom otkrivanja, istraživanja i pod nadzorom tužioca dokazivanja krivičnih djela iz konkretnog domena, izvršene provjere po navodima iz poslaničkog pitanja i priloženog dopisa, te Vas obavještavamo o sljedećem.

Ova Agencija je u minulom periodu tretirala određena pravna lica navedena u dopisu priloženom uz poslaničko pitanje poslanika Šemsudina Mehmedovića, a o pojedinim akcijama je javnost bila upoznata i putem sredstava javnog informisanja.

Međutim, konkretni detalji predmeta koji se vode u istražnoj fazi, ne mogu se na ovakav način prezentirati, jer se radi o predmetima koji se vode u nadležnom tužilaštvu i objava bilo kojeg podatka mora imati autorizaciju nadležnog tužioca u postupku, koji, sukladno svojim ovlastima propisanim Zakonom o krivičnom postupku Bosne i Hercegovine, jedini ima ovlast da cijeni koji se podaci mogu objaviti, a koji ne mogu, kako se cilj istrage i postupka ne bi doveo u opasnost, s obzirom da su istražne radnje i predmeti rada sami po sebi, u konkretnim predmetima, zaštićeni određenim stepenom tajnosti.

Takođe Vas obavještavamo da je ova Agencija u radu na konkretnim predmetima iz date problematike ostvarila tijesnu saradnju sa drugim institucijama, prvenstveno misleći na Upravu za indirektno oporezivanje Bosne i Hercegovine, koja po svojoj zakonom definisanoj ulozi ima primarnu zadaću u oblasti izvršenja zakona iz oblasti indirektnog oporezivanja.

Ovom prilikom želimo napomenuti da sa svim eventualno raspoloživim podacima o počinjenju eventualnih krivičnih djela iz nadležnosti Suda BiH, Tužilaštva BiH, a samim tim i iz nadležnosti ove Agencije pravna i fizička lica imaju pravo upoznati nadležnog tužioca, putem podnošenja krivične prijave u pisanoj formi ili putem izjavljivanja krivične prijave na zapisnik kod nadležnog tužioca, pa tako i u konkretnom slučaju, što je pored prava svakog



lica, такође и zakonska obaveza, propisana članom 214. i 215. Zakona o krivičnom postupku Bosne i Hercegovine.

Još jednom Vas molimo za razumijevanje, u vezi s prednje navedenim, odnosno nemogućnosti iznošenja konkretnijih podataka, te Vas upućujemo da u vezi svakog interesovanja po pojedinačnim predmetima uputite zahtjev za dostavom informacija nadležnom tužilaštvu, odnosno nadležnom tužiocu, koji isključivo, kao što je već navedeno, ima ovlast da cijeni mogućnost eventualnog ustupanja i objavljivanja podataka iz predmeta.

S poštovanjem,

Dostavljeno:

-naslovu,
-a/a.





Broj:11-50-3194-2/12
Sarajevo, 04.09.2012.godine.

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 12-09-2012			
Organizaciona jedinica	Klasifikaciona oznaka	Redni broj	Broj priloga
01	50-1-15	32	12

PARLAMENTARNA SKUPŠTINA BOSNE I HERCEGOVINE
ZASTUPNIČKI DOM/PREDSTAVNIČKI DOM BOSNE I HERCEGOVINE
SARAJEVO

PREDMET: Odgovori na poslanička pitanja
dostavlja.-

VEZA: Vaš akt broj: 01/a-50-1-15-32/12 od 24.07.2012.godine i broj:05-50-1-2313/12 od 03.08.2012.godine.

U prilogu akta dostavljamo Vam odgovore na poslanička pitanja poslanika Šemsudina Mehmedovića, postavljena na 32.sjednici Predstavničkog doma Parlamentarne skupštine Bosne i Hercegovine, održanoj 19.07.2012.godine.

Privitak: odgovori na poslanička pitanja

Dostaviti:
- Naslovu
- a/a



MINISTAR
Muhamed Ibrahimović
mr. Muhamed Ibrahimović



Poslanik Šemsudin Mehmedović je na 32.sjednici Predstavničkog doma Parlamentarne skupštine Bosne i Hercegovine, održanoj 19.07.2012.godine postavio pitanja sljedeće sadržine:

1.Koliko sirovina nastalih delaboracijom materijalno-tehničkih sredstava u TROM – Doboj je prodano u periodu 2006-2012.godine? Da li je prodaja tekla u skladu sa SOPOM Ministarstva obrane, a sukladno Zakonu o javnim nabavkama?

2.Da li je direktor TROM-a gospodin Garić imao saglasnost Ministarstva obrane BiH da bez tendera nabavlja kosilice i drugu opremu, te da istu plaća sirovinom dobijenom delaboracijom, na način da cijenu iste dogovorno utvrđuje samovoljno i mimo tržišne cijene? Koje količine sirovine su otuđene na ovaj način?

3.Po kom osnovu je firma „MILKOS“ sa Pala povlašteni kupac furde od TROM Doboj?

4.Koliko sredstava je Ministarstvo obrane BiH dalo za delaboraciju TROM-u Doboj za uništenje municije u tzv.Rotacionim pećima?

Na postavljena poslanička pitanja, Ministarstvo obrane BiH u smislu člana 155.Poslovnika Predstavničkog doma Parlamentarne skupštine Bosne i Hercegovine („Službeni glasnik BiH broj:33/06, 41/06, 81/06, 91/06, 91/07, 87/09), dostavlja sljedeći :

ODGOVOR

1.U periodu od 2006-2012 godine MO BiH provodi aktivnosti uništavanja MiMES-a sukladno Planovima uništenja po vrsti, modelu i količinama, a koje su odobrene za uništavanje Odlukom Predsjedništva Bosne i Hercegovine.

Jedan od oblika uništavanja MiMES-a jeste i delaboracija, koja predstavlja rastavljanje raznih vrsta municije (metaka, bombi, mina) na sastavne elemente i odstranjivanje baruta, eksploziva i drugih materija iz elemenata i dijelova metka.

U procesu delaboracije MiMES-a sa lokacije TROM /Doboj ukupno je prodato 946.700 kg različitih vrsta sekundarnih sirovina dobijenih delaboracijom MiMES-a, i ista su predata kupcu firmi „MILKUS“ Pale po kupoprodajnom ugovoru broj: 01/08 od 08.01.2008.godine.

Odlukom MO BiH broj:11-14-2-5130/08 od 09.09.2008.godine formirana je Komisija za analizu izvršenja procesa realizacije Sporazuma između Razvojnog programa Ujedinjenih nacija i MO BiH od 22.05.2007.godine i ista je utvrdila:

- da je uvidom u Pregled predatih vrsta i količina sekundarnih sirovina sa lokacije TROM Doboj u periodu od 19.02 do 08.05.2008.godine izvršena predaja istih, a na osnovu zapovjedi ZP OS BiH broj:16-15-08-16-4-286-2/08 od 13.02.2008.godine i akta Načelnika ZS OS BiH broj:16-08-50-48-23/07 od 15.10.2007.godine.

- da je navedena predaja sekundarnih sirovina rezultirala zaključivanjem ugovora Republičke direkcije za proizvodnju i promet naoružanja i vojne opreme RS sa firmom MILKUS Pale, a na osnovu Odluke MO BiH broj:03-24-41-99/07 od 18.09.2007.godine.

Komisija je konstatovala da se ovakva predaja sekundarnih sirovina treba tumačiti u duhu članova 70-74. Zakona o obrani (Službeni glasnik BiH broj:88/05) i člana 2, člana 6. i člana 7. Sporazuma o konačnom raspolaganju svim pravima i obavezama nad pokretnom vojnom imovinom koja će i dalje služiti potrebama obrane potpisanim dana 27.03.2008.godine u Doboju.

2.TROM Doboje je organizacijsko formacijska cijelina koja se nalazi u nadležnosti ZL/ ZP /ZS OS BiH te sama odgovornost, kontrola i izvještavanje nad procesima uništavanja je na navedenim organizacijskim cijelinama OS BiH.

Po dobijenim saznanjima o nepravilnostima u procesu delaboracije u TROM Doboje, MO BiH je u skladu sa nadležnostima Generalnog inspektorata MO BiH sproveo istragu.

Rezultati istrage su utvrdili propuste zbog kojih su sankcionirane odgovorne osobe, a daljnji predmet je prosljeđen Tužilaštvu BiH, koje je zadužilo Državnu agenciju za istrage i zaštitu za daljnje prikupljanje podataka.

3.MO BiH u procesu rješavanja sekundarne sirovine nastale u procesu delaboracije u TROM Doboje nastoji iznaći zakonsko rješenje vezano za prodaju iste.

Kroz proces delaboracije, a na osnovu Planova uništavanja u TROM Doboje, trenutno se nalazi 1.115,8 tona raznih vrsta sekundarnih sirovina za koje nije definiran kupac pa tako ni firma MILKUS Pale.

Navedena firma pojavljuje se samo kao kupac u periodu i po proceduri kako je objašnjeno u prvom pitanju.

4.Uništavanje MiMES-a u TROM Doboje odvija se kroz više tehnoloških linija od kojih je jedna i spaljaljivane u Rotacionoj peći.Ista se koristi za uništavanje/ spaljivanje sitne municije do kalibra 12,7 mm.

Za Rotacionu peć, Ministarstvo obrane BiH nije utrošilo finansijska sredstva i ista se koristi sukladno Memorandumu o razumijevanju za uništavanje potpisanim između Razvojnog programa Ujedinjenih nacija i MO BiH.

Dostavljeno:

- naslovu
- a/a



MINISTAR

mr. Muhamed Ibrahimovic

Bosna i Hercegovina

Uprava za indirektno - neizravno oporezivanje



Босна и Херцеговина

Управа за индиректно опореживање

01/a-50-1
14-6-2012

Broj: 01 50-5-1642-11/12

Datum, 12.09 2012. godine

PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM/ZASTUPNIČKI DOM
n/r predsjedavajućeg Predstavničkog/Zastupničkog doma

PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO:	17.09.2012		
Organizacioni jedinic	Klasifikacioni oznaka	Prilogi	Broj
01-50-1-15-32/R			

PREDMET: Odgovor na poslaničko pitanje, dostavlja se
Veza - Akt broj: 01/a-50-1-15-32/12 od 24.7.2012. godine

U vezi Vašeg akta, broj i datum veze, kojim ste od Uprave za indirektno/neizravno oporezivanje tražili dostavljanje odgovora na poslaničko pitanje poslanika Predstavničkog/Zastupničkog doma Parlamentarne skupštine Bosne i Hercegovine g-dina Šemsudina Mehmedovića, postavljenog na 32. sjednici ovog doma, održanoj dana 19.07.2012. godine, u prilogu dostavljamo odgovor dat saglasno odredbama člana 155. stav (3) Poslovnika Predstavničkog/Zastupničkog doma Parlamentarne skupštine Bosne i Hercegovine („Službeni glasnik Bosne i Hercegovine“, broj 33/06, 41/06, 81/06, 91/06, 91/07, 87/09 i 28/12).

S poštovanjem,

Prilog: Odgovor na poslaničko pitanje

Dostaviti:
- Naslovu
- 01/1
- a/a



DIREKTOR
Dr. Miro Džakula

G-din Šemsudin Mehmedović, poslanik u Predstavničkom domu Parlamentarne skupštine Bosne i Hercegovine postavio je na 32. sjednici Predstavničkog/Zastupničkog doma Parlamentarne skupštine Bosne i Hercegovine održanoj 19.07.2011. godine, slijedeće pitanje:

„Šta ćete učiniti da se spriječi nelegalan promet naftnim derivatima u BiH, kojemu je pokrovitelj Rafinerija nafte Bosanski Brod?

Da li se radi o smišljenom ekonomskom podrivanju zemlje od strane nekoliko subjekata, te da li iza istih stoje određeni politički krugovi ili je klasična zloupotreba Pravilnika o primjeni Zakona o akcizama („Službeni glasnik BiH“, broj 48 od 25.6.2012. godine)?“

Saglasno odredbama člana 155. stav (3) Poslovnika Predstavničkog/Zastupničkog doma Parlamentarne skupštine Bosne i Hercegovine („Službeni glasnik Bosne i Hercegovine“, broj 33/06, 41/06, 81/06, 91/06, 91/07, 87/09 i 28/12), **Uprava za indirektno/neizravno oporezivanje** (u daljem tekstu UINO) daje slijedeći

ODGOVOR

Slijedom člana 4. Zakona o sistemu indirektnog oporezivanja („Službeni glasnik BiH“, broj 44/03, 52/04, 34/07, 4/08 i 49/09), UINO sprovodi zakonske i druge propise o indirektnom oporezivanju, dok je u smislu člana 7. stav (1) pod g) Zakona o UINO („Službeni glasnik BiH“, broj 89/05), UINO nadležna da spriječava, otkriva i istražuje carinske, poreske i druge prekršaje, te u skladu sa uputstvima nadležnog tužioca, vodi aktivnosti u vezi sa istragom krivičnih djela vezanih za indirektno oporezivanje i nadležnim organima podnosi prijave za povredu propisa o indirektnom oporezivanju. S tim u vezi, UINO kontinuirano sprovodi mjere i radnje koje se odnose na otkrivanje, istraživanje, dokumentovanje i procesuiranje svih oblika krijumčarenja, carinskih i poreskih prevara ili na drugi način izvršenih povreda propisa o indirektnom oporezivanju, pa tako i sve eventualne oblike nelegalnog prometa nafte i naftnih derivata.

Obveznici indirektnih poreza koji se navode u dopisu – prilogu poslaničkog pitanja g-dina Šemsudina Mehmedovića, a u vezi sa iznesenim indicijama koje se tiču povreda propisa o indirektnom oporezivanju biće predmetom provjera u smislu tačnosti i istinitosti tvrdnji iz istog dopisa, s napomenom da je ovaj organ u slučajevima pojedinih lica koji se navode u dopisu Tužilaštvu Bosne i Hercegovine dostavio informacije i/ili izvještaje o postojanju osnova sumnje da je izvršeno krivično djelo organizovanog kriminala, krijumčarenja, poreske utaje i pranja novca. U pogledu saznanja o korištenju falsifikovanih akciznih markica na tržištu Bosne i Hercegovine, ističemo da je ovaj organ otkrio više slučajeva koji ukazuju na sumnju prometovanja akciznih proizvoda koji nisu obilježeni na način propisan poreskim zakonodavstvom u Bosni i Hercegovini, o čemu se kontinuirano preduzimaju sve procesne radnje bilo samostalno, bilo u saradnji sa drugim nadležnim organima, a sve u cilju procesuiranja predmetnih krivičnih djela.

U vezi sa pitanjem koje se odnosi na zloupotrebu Pravilnika o izmjenama i dopunama Pravilnika o primjeni Zakona o akcizama („Službeni glasnik BiH“, broj 48/12), ističemo da je isti usvojen od strane Upravnog odbora UINO na sjednici održanoj 5.6.2012. godine, te da ovaj organ nadzire i kontroliše njegovu primjenu kao i ostale propise o indirektnom oporezivanju, pri čemu se svaka zloupotreba u njegovoj primjeni na propisan način sankcioniše i eventualno procesuiraju, i to provođenjem odgovarajućih postupaka iz okvira nadležnosti ovog organa.

Uprava za indirektno/neizravno oporezivanje